



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1858**

2579. Markgraf Johann verweist die Unterthanen des Fürstenthums  
Krossen an den Kurfürsten Joachim, am 20. Dezember 1545.

---

---

**Nutzungsbedingungen**

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

gegent unnd gebeten ihm zu wiederstattung zu befördern, do Unfers gnädigen herrn Marggraff Johansen Räte der Sachen Gelegenheit auch berichten, haben die Räte S. f. G. Gefandte Räte gebeten, das sie vor sich und ihrer aller wegen wolten S. f. G. unterthäniglich anlangen, demselbigen Jorgen Schmiden die dreyszig Gulden ausgelegts Zolls, die er seinen Anzeigen nach sol uber die Ufhaltung alda geben haben, wiederum gnädiglich erlegen und um das andere etwan begnadung thun zu lassen, Damit er klaglos gemacht unnd Unfere gnädige herrn die hertzoge zu Pömmern unnd ihrer f. G. Räte des mannigfaltigen Anlauffens zuletzt verschont bleiben möchten, do er auch sein Schiff wiederum suchen mag. Unnd bedencken die Räte den Sachen allerseits zu forderung am Besten, das Unser gnädiger Herr Marggraff Johans S. f. G. Antwort und Gemute uf die Artickel, welche f. F. G. Räte an dieselbige wie es abzutragen angenommen hatten, dem Curfursten zwischen dis unnd Conversionis Pauli schierst zugeschrieben, das auch die hertzogen zu Pommern ihrer f. G. Antwort uf die Artickel, welche ihrer f. G. Räte zu rucke zu fragen auch angenommen, zu forderlicher Gelegenheit dem Curfursten zu schreiben möchten, unnd seynd der Cur- unnd fursten Gefandt Rat zu diesen Sachen gewesen die Gestrengen, Ernueften, Hochgelarten, achtbarn als wegen des Curfursten Hans von Arnim uf Boitzenburg, Landvoigt der Ukermarck, Johann Weinleb, Cantzler, Bartel flans, Amtman zu Neuen Angermunde, unnd Otto von Arnim der Elter zu Murow, von wegen Marggraff Johansen: Clawes Schönbeck, Marschalek, Er frantz von Neumann, Cantzler, von wegen beyder hertzogen zu Stettin unnd Pommern: Joachim Pudewels, Landvoigt zu Stolp, Achim Molzan, hauptman zu Wolgast, Er Baltzer vom Walde, Doctor, Cantzler, Er Anthon Schwalenbergk, Doctor, Moritz vom Damitz, Hauptmann zu Ukermunde, und Johans von Usedom, Rector der Universität zu Gripswalde. Geschehen zu Prentzlow, Dinftags nach Andreae, Anno im XLV.

Aus der Diekmann'schen Urkunden-Sammlung der Breslauer Universitätsbibliothek fol. 305b.

2579. Markgraf Johann verweist die Untertanen des Fürstenthums Krossen an den Kurfürsten Joachim, am 20. Dezember 1545.

Von gots gnaden Wir Johans, Marggraff zw Brandenburg, zw Stetin, Pommern, der Cassuben, Wenden vnnnd in Schlesien zw Crossen hertzog, Burggraf zw Nurnberg vnnnd Furst zw Rugen, Bekennen vnnnd thun kund offentlich vor vns, vnser Erben vnd sunsten vor allermeniglich, Nach dem vnd als wir vns etwan mit den hochgebornnen Fursten, hern Joachim, Marggraffen zw Brandenburg, des heyligen Romischen Reichs Ertzkamrern vnd Curfursten, zw Stetin, Pomern, der Cassuben, Wen-

den vnnnd in Schlesien zw Croffen hertzogen, Burggraffen zw Nurnberg vnnnd Fursten zw Rugen, vnserm freundlichen lieben hern vnd Brudern, in einem zwischen f. L. vnd vns aufgerichteten Bruderlichen vortrage, des Datum Stehet Coln an der Sprew, Dinftags nach Assumptionis Marie, Anno Tauffent Funffhundert vnnnd im Neun vnnnd dreiffigften, von wegen des Furstenthumbs Croffen, Welchs vormoge der Bemischen konige Brieff vnnnd Sigel mit aller hoheit, Pflichten vnnnd Obrikeitten, wie es bei der Cron Behmen gestanden, an die Marggraffen zw Brandenburg vorwieffen vnnnd darauff di einwoner bemelts Furstenthumbs erstlichen vnserm lieben seligen hern vnnnd vatter, auch hernach vns Marggraff Johansen vormog vatterlichs vortrags Erbpfficht gethan, wir auch der Erbschafft halben mit vnserm lieben hern vnnnd Bruder dem Curfursten in gesampten Lehen stehen, dermassen vortragen vnnnd vorglichen, das wir Marggraf Johans die vntterthanen vnnnd vorwandten oftberurts Furstenthumbs mit den Erbpffichten an vnsern Lieben hern vnd Brudern, Marggraff Joachim, Churfursten, vorweisen soltten vnd wolttten, darauff f. L. gemelte vntterthanen vnnnd vorwantten hinwieder an vns Marggraff Johannsen vnnnd vnser Erben vormog des Obigen vortrags mit den Erbpffichten, so lang die widerlosung nicht geschicht, zu bleiben sollte vorweisen. Demnach vnd zuzolge obbemelts vortrages, So thun wir vorgedachter Marggraf Johans alle vnnnd yede des bemelten Croffnischen Furstenthumbs vntterthanen vnd vorwantten, Nemlich Beide Erbare Manschafft vnserer weichbilder Croffen vnnnd zulich, Auch Burgermeister, Ratmanne vnnnd gantze gemein derselben beider Stedte, desgleichen vnsern hauptman zw Cothbus vnd Peitz, Ern Heinrichen von Pagk, denn wir mit vorwissen zulassen vnnnd vorwilligung vnser lieben hern vnd Bruders des Curfursten vnser Ampt vnnnd Stadt Summerfeldt sampt aller ein vnd zubeordt Erblich zugestald vnnnd vorliehen, dere dauon mit in solch Croffnisch Furstenthumb behorig, Vnnnd sunsten alle vnd jede der beiden empter vnnnd weichbilder Croffen vnd zulich vnnnd des gantzen Furstenthumbs einwoner, Amptsvorwantte vnd vntterthanen, Wie die alle mit namen benant mugen werden, keine aufgenommen, mit den Erbpffichten an mergedechten vnsern freundlichen lieben hern vnd Brudern, hern Joachim, Marggrafen vnnnd churfursten zu Brandenburg, vorweisen vnnnd seind f. L. mit dieser verweisung dissmal also zufriden, doch mit dem bescheide, Do vns vnser her Gott einen ader mer menliche Leibs lehens Erben bescheide, das alsdan wir, inmassen itzo het beschehen sollen, die Erbare Manschafft vnd Stette des Furstenthumbs Croffen vnd zulich auff f. L. derselben Erben ader volmechtigen Rethe ferrer ansuchen mit den Erbpffichten, so sie vns gethan, Inhalt der vortrage in Irer der Manschafft vnd Stedte gegenwart vorweisen sollen vnd von f. L. derselben Erben wegen von stund darauff hinwider an vns, vnser Erben Laut der vortrage wirklich die gegen vorweiffunge thun sollen, in kraft vnd macht dieses vnsern briefs, ydoch dem Oftberurtem vortrage sonsten vnnnd allen andern Clauseln, Puncten vnd Artickeln one schaden, Treulich vnd on alles geferde. Des zu urkunth haben wir diesen Brieff mit vnserm Secret vnnnd Daumringe wissentlich besigelt, auch dene mit

eigenen handen vntterschrieben. Geschehen vnnnd geben zw Coln an der Sprew, Sontags am Abend Thome, nach cristi vnfers hern vnnnd Seligmachers geburt in funffzehenhundert vnd Funffvndvierzigsten Jare.

Hans, Marggraf zw Brandenburgk etc.,  
Manu propria subscript

Nach dem Churm. Lehnscopialbuche V, f. 262.

2580. Kurfürst Joachim verweist die Unterthanen des Fürstenthums Croffen an den Markgrafen Johann, am 21. Dezember 1545.

Wir Joachim, Churfurft etc., Bekennen vnd thun kund offentlich vor vns, vnser Erben vnd sunsten vor allermeniglich, Nachdem vnd als wir vns etwan mit dem Hochgebornen Fursten, hern Johansen, Marggraffen zw Brandenburg, zw Stetin, Pommern, der Cassuben, wenden vnd in Schlesien zw Croffen Hertzogen, Burggraffen zw Nurmberg vnnnd Fursten zw Rugen, vnserm freundlichen lieben Brudern, in einem zwischen f. L. vnnnd vns auffgerichteten Bruderlichen vortrage, des Datum steth Coln an der Sprew, Dinftags nach assumptionis Marie Anno Taufend Funffhundert vnd im Neun vnd dreißigsten, von wegen des Furstenthumbs Croffen, welches vormuge der Bemischen konige Brieff vnd Sigell mit aller hoheit, Pflichten vnd Obrigkeiten, wie es bey der Cron zw Beheim gestanden, an die Marggraffen zw Brandenburg vorwieffen vnd darauff die einwoner bemelts Furstenthumbs erstlichen vnserm lieben seligen hern vnd vatern, auch hernach gedachten vnserm freundlichen lieben Brudern, Marggraff Johansen, vormog vetterlichs vortrags Erbpflichte gethan, S. L. auch der Erbschaft halben mit vns in gesampten Lhenen sthen, dermassen vortragen vnd vorglichen, das vnser lieber Bruder, Marggraff Johans, die vnderthanen vnd vorwandten offtberurtes Furstenthumbs mit den Erbpflichten an vns, den Churfursten, vorweisen sollte, Darauff wir gemelte vnderthanen vnd vorwandten hinwider an vnsern freundlichen lieben Brudern, Marggraff Johansen, vnd f. L. Erben vormoge des Obigen vortrages mit den Erbpflichten, so lang die widerlofung nicht geschege, zubleiben solten vorweisen. So dan gemeltes vnser lieber Bruder, Marggraff Johans, zw volge obangezogenen vortrages, alle vnd jede des berurten Croffischen Furstenthumbs einwohner, vntterthane vnd vorwandten, Als Nemlich beide Erbare Manschaften der weichbilder Croffen vnd zullich, Auch Burgermeister, Rathmanne vnd gantze gemein derselben beider Stedt, Dessgleichen den Ernueften, vnsern auch lieben getreuen Ern heinrichen von pagk, hauptman zw Cothbus vnd peitz, deme f. L. mit vnserm vorwissen, zulassung vnd verwilligung das Ampt vnd Stad Summerfeldt sampt aller ein vnd zubehore Erblich zugestaldt vnd vorliehen, dere dauon mit in solch